

Խնդրում եմ տեղեկացնել հանձնաժողովի անդամներին, աշխատակազմի ստորաբաժանումների ղեկավարներին, ինչպես նաև նախապատրաստել հակիրճ զեկույց՝ գործակարգավար խորհրդակցությանը ներկայացնելու համար

«Հ հանրային ծառայությունները կարգավորող հանձնաժողովի գլխավոր քարտուղար պարոն Ա. Սաֆարյանին»

Տիկին Ն. Գաբրիելյանին՝ Ի գիտություն

Ա. Սաֆարյան

« 16 » 10 2023թ.

### ՀԱՇՎԵՏՎՈՒԹՅՈՒՆ

- Քաղաքացիական ծառայողի անունը, ազգանունը՝ Զարուհի Ստեփանյան:
- Զբաղեցրած պաշտոնը՝ ՀՀ հանրային ծառայությունները կարգավորող հանձնաժողովի միջազգային համագործակցության բաժնի պետ:
- Գործուղման վայրը և ժամկետները՝ Բոլոսել, Բելգիա, 2023 թվականի հոկտեմբերի 11-13-ին:
- Հրավիրող կողմը (առկայության դեպքում)՝ Էներգետիկայի կարգավորողների եվրոպական խորհուրդ (CEER) և ԵՄ-ն հանուն Էներգետիկայի ծրագիր (EU4Energy):
- Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝ Մասնակցել Էներգետիկայի կարգավորողների եվրոպական խորհրդի (CEER) և ԵՄ-ն հանուն Էներգետիկայի ծրագրի (EU4Energy) շրջանակում կազմակերպված միջազգային հարաբերությունների և նախագծերի կառավարման եռօրյա դասընթացին:
- Քննարկված թեմաները (հարցերը)՝ Միջազգային հարաբերությունների և նախագծերի կառավարման դասընթացը նախատեսված էր Եվրոպական միության արևելյան գործընկերության (ԱԳ) երկրների Էներգետիկայի կարգավորման ազգային մարմինների և նախարարությունների միջազգային կառույցների հետ աշխատող ներկայացուցիչների համար: Նիստին մասնակցում էին ՀՀ հանրային ծառայությունները

կարգավորող հանձնաժողովի և ՀՀ տարածքային կառավարման և ենթակառուցվածքների նախարարության ներկայացուցիչները:

Դասընթացի նպատակն էր զարգացնել մասնակիցների կարողությունների միջազգային ծրագրերի կազմակերպման և հաղորդակցման հարցում:

Դասընթացի ընթացքում ներկայացվել է Էներգետիկայի կարգավորողների Եվրոպական խորհրդի (CEER) կողմից՝ որպես Եվրոպական միության անդամ երկրների Էներգետիկայի բնագավառի կարգավորող մարմինների միասնական ձայն ներկայացնող կազմակերպության, գործառույթները, գործունեությունը, աշխատանքային խմբերը և դրանց ուղղվածությունները, ինչպես նաև CEER դերը Եվրոպական միության կառույցներում, ներկայացվել է նաև CEER անդամակցության հնարավորությունները և անդամներին ներկայացվող պահանջները, որոնք են՝ կարգավորող մարմնի անկախությունը, ինչպես նաև նրանց դերը և պատրաստակամությունը կայուն կարգավորող գործելակերպը խթանելու և Եվրոպական միության սահմաններում և դրանից դուրս մրցակցային շուկաները զարգացնելու հարցում:

Միջոցառման ընթացքում ներկայացվեցին նաև ԵՄ կարգավորող մարմինների միջև միջազգային համագործակցության, անկախ կարգավորող մարմինների գործառույթների իրականացման նախադրյալները, օրենսդրական նախագծերի և ենթաօրենսդրական ակտերի նախապատրաստումը, ինչպես նաև Էներգետիկայի կարգավորողների Եվրոպական խորհրդի (CEER) և Եվրոպական միության երկրների Էներգետիկ կարգավորողների համագործակցության գործակալության (ACER) առանձնահատկությունները:

Ներկայացվեցին նաև ԵՄ-ն հանուն Էներգետիկայի ծրագրի (EU4Energy) նախաձեռնության 2021-2026 թվականները իրականացվող երկրորդ փուլի նպատակները, ձեռք բերումները, հաղորդակցման և տեսանելիության ուղղությամբ իրականացված քայլերը, ինչպես նաև ապագա ծրագրերը և գործունեությունը:

Ծրագրի տեսանլիության շրջանակում տպագրված «Ապակե գլոբուսը» երեխաների գրքի տարածումը ապահովելու նպատակով՝ ծրագրի ներկայացուցիչները նախատեսում են այցելել ԵՄ Ալբ երկրների դպրոցներ և ներկայացնել մաքուր էներգիայի և կայուն զարգացման նախադրյալները դպրոցական տարիքի երեխաներին: Նման ծրագիրը առաջինը իրականացվելու է Վրաստանում, որից հետո ծրագրի ներկայացուցիչները կապ կհաստատեն այլ ԵՄ Ալգ երկրների կարգավորող մարմինների հետ՝ հետագա քայլերը քննարկելու նպատակով:

Եվրոպական միության հարևանության քաղաքականության և ընդլայնման բանակցությունների գլխավոր վարչության (DG NEAR) աշխատակիցների կողմից ներկայացվեցին ԵՄ ԱԼԳ տարածաշրջանի համար նախանշված առաջնահերթությունները, տեսլականը և դրանց հասնելու նպատակով վերջին տարիներին իրականացված ծրագրերը, ինչպես նաև ֆինանսական և տեխնիկական աջակցության հնարավորությունները: Մասնավորապես նշվեց, որ վերջին տարիներին ԵՄ ԱԼԳ տարածաշրջանում էներգետիկայի բնագավառում ԵՄ աջակցության TAIXE և TWINNING գործիքների օգնությամբ իրականացվել են մի շարք միջոցառումներ, որոնք նպաստել են էներգետիկ շուկաների զարգացմանը և ԵՄ ինտեգրաման գործընթացի խթանմանը:

Հանդիպման երկրորդ օրը նվիրված է ծրագրերի ղեկավարման գործնական դասընթացին, որի ընթացքում Ավստրիայի կարգավորող մարմնի ներկայացուցչի կողմից տրվեց գործնական տեղեկատվություն ԵՄ աջակցության գործիքների միջոցով ծրագրերի կազմակերպման վերաբերյալ:

Մասնակցիների հետ քննարկվեց ծրագրերի նախագծման գործընթացը, ծրագրերի ղեկավար թիմի անդամների պարտականությունները, նպատակների ճիշտ ձևակերպումը, գործընկերների ընտրությունը, ղեկավարման տարբեր գործիքների օգտագործումը: Մասնակիցները ներկայացրեցին նաև իրենց կողմից իրականացված ծրագրերի ընթացքում առաջացած խնդիրները, խոչընդոտները և դրանց լուծման համար իրականացված քայլերը:

Միջոցառման վերջին օրը մասնակիցները հրավիրված էին ԵՄ-ում, Բելգիայում և Լյուքսեմբուրգում Հայաստանի դեսպանություն՝ դեսպանի հետ էներգետիկայի բնագավառում առկա իրավիճակը և խոչընդոտները քննարկելու նպատակով: Մասնավորապես շեշտվել է էներգետիկայի բնագավառում ներդրումային ծրագրերի իրականացման և ԵՄ կառույցների միջազգային համագործակցության խորացման կարևորությունը, որի արդյուքնում դեսպանատունը իր պատրաստակամությունն է հայտնել աջակցել հանձնաժողովին և նախարարությանը էներգետիկայի բնագավառին առնչվող հարցերում:

**7. Հանդիպումների ժամանակ ընդունված որոշումները, պայմանավորվածությունները, ստորագրված փաստաթղթերը՝** Հանդիպման արդյունքներով պայմանավորված՝ ԵՄ-ն հանուն էներգետիկայի ծրագրի (EU4Energy) ներկայացուցիչների հետ պայմանավորվածություն է ձեռք բերվել շարունակել համագործակցությունը էներգետիկայի կարգավորողների եվրոպական խորհրդի (CEER) հետ՝ հետագայում իրականացվող ծրագրերին աջակցելու մասով:


Պայմանավորվածություն է ձեռք բերվել նաև Եվրոպական միության հարևանության քաղաքականության և ընդլայնման բանակցությունների գլխավոր վարչության (DG NEAR) ներկայացուցիչների հետ հանձնաժողովի կողմից հետագայում ԵՄ աջակցության TAIEX և TWINNING գործիքների օգնությամբ միջոցառումների կազմակերպման մասով:

**8.Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝** Հաշվի առնելով միջոցառման ընթացքում ներկայացված տեղեկատվությունը և քննարկումների արդյունքները՝ առաջարկում ենք.

- Շարունակել համագործակցությունը և համատեղ աշխատանքները ԵՄ ԱԳ և ԵՄ կարգավորող մարմինների, ինչպես նաև ԵՄ-ն հանուն էներգետիկայի ծրագրի (EU4Energy) և էներգետիկայի կարգավորողների եվրոպական խորհրդի (CEER) հետ օտարերկրյա պետությունների կարգավորող մարմինների համապատասխան փորձի ուսումնասիրության ուղղությամբ և Հայաստանում դրա հետագա ներդրման նպատակով:

- Հանդիպման ընթացքում ձեռք բերված պայմանավորվածության համաձայն շարունակել երկկողմ քննարկումները և աշխատանքները էներգետիկայի կարգավորողների եվրոպական խորհրդի (CEER) հետ՝ անդամակցության հայտի նախապատրաստման մասով:

Գործուղվող



16.10.2023թ.

Ձ.Ստեփանյան

(ստորագրությունը, ամսաթիվը)

Օրինակելի ձև

Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԾԱԽՍԵՐԻ ԿԵՐՁՆԱՀԱՇՎԱՐԿԻ ՄԱՍԻՆ

1. Մարմնի անվանումը Հանրային ծառայությունները կարգավորող հանձնաժողով

2. Գործուղման մասին իրավական ակտի համարը Հրաման 879-ԳՔ, 05.10.2023թ.

3. Անունը, ազգանունը, զբաղեցրած պաշտոնը (մասնագիտությունը)  
Ջարուհի Ստեփանյան, միջազգային համագործակցության բաժնի պետ

(թվարկել՝ պատվիրակություն գործուղելու դեպքում)

4. Գործուղման վայրը՝ Բոլուսել /Բելգիա/

5. Գործուղման ժամկետները՝ 10.10.2023-14.10.2023թթ.

6. Գործուղման ծախսերի ֆինանսավորման աղբյուրը՝ ՀՀ պետական բյուջե

1) իրավիրող կողմի միջոցների հաշվին հատուցվող ծախսերը՝ Ճանապարհածախս, գիշերավարձ:

2) պետական բյուջեի միջոցների հաշվին հատուցվող ծախսերը՝ օրապահիկ

(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)

(ընդգծել ծախսերի փոխհատուցման տարբերակը)


ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված «սփով, բայց ոչ ավելի, քան ցանկով նախատեսված չափերը

բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը		Ջարուհի Ստեփանյան	Ընդամենը (հազ. դրամ)
Ճանապարհածախս	Ավիատոմսի տեսակը (էկոնոմ դաս, բիզնես դաս)		
	Ավիատոմսի արժեքը (դրամ)		
Գիշերավարձ	Վճարը 1 օրվա համար (արտարժույթով)		
	Վճարը 1 օրվա համար (դրամ)		
	Օրերի քանակը		
	Ընդամենը (դրամ)		

Օրապահիկ	Վճարը 1 օրվա համար (արտարժույթով՝ եվրո)	115	
	Վճարը 1 օրվա համար (դրամ)	49,772.0	
	Օրերի քանակը	5	
	Ընդամենը (դրամ)	248,860	248.9
Այլ ծախսեր	Հակահամաճարակային նմուշառումների վճար		
	Մուտքի արտոնագրի վճար		
	Այլ ծախսեր (նկարագրել)		
Ընդամենը ծախսեր (հազ. դրամ)		248.9	248.9

Գլխավոր ֆինանսիստի ստորագրությունը  
 (հավելվածը լրաց. 23.03.23 N 326-Ն)



16.10.2023թ.